



Broj: 15-03-16-5-46-53/25
Datum: 22.1.2026. godine

Na osnovu člana 61. Zakona o upravi („Službeni glasnik BiH“, br. 32/02, 102/19 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14 i 59/22) i člana 8. stav (1) tačka b) Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08) Agencija za identifikacione dokumente, evidenciju i razmjenu podataka Bosne i Hercegovini donosi

O D L U K U o izboru najpovoljnijih ponuđača

Član 1.

Najpovoljniji ponuđač u postupku javne nabavke **poštanskih usluga za područje Bihaća i Sarajeva**, objavljen na Portalu javnih nabavki Bosne i Hercegovine, broj Obavještenja o nabavci usluge iz Aneksa II 1110-9-2-10-22-132/25 od 30.12.2025. godine, koji je proveden u skladu sa postupkom dodjele ugovora o uslugama iz Aneksa II Zakona o javnim nabavkama, je „**JP BH Pošta**“ d.o.o. Sarajevo sa ukupnom vrijednošću ponude od 23.759,50 KM bez PDV-a.

Član 2.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Na osnovu provedenog postupka nabavke poštanskih usluga za područje Bihaća i Sarajeva, u skladu sa postupkom dodjele ugovora o uslugama iz Aneksa II Zakona o javnim nabavkama, Komisija za provođenje postupka javne nabavke je konstatovala da je rok za prijem ponuda 15.1.2026. godine do 10:00 sati, te da je do navedenog roka na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) pristigla jedna (1) ponuda i to ponuđača „**JP BH Pošta**“ d.o.o. Sarajevo. Neblagovremenih ponuda nije bilo.

Komisija je izvršila pregled i ocjenu odnosne ponude, te utvrdila da je ista dostavljena za usluge prijema, prenosa i uručjenja poštanskih pošiljaka i paketskih poštanskih usluga u unutrašnjem i međunarodnom poštanskom saobraćaju, te usluge direktne pošte za područje Bihaća i Sarajeva. Prema Pozivu za dostavljanje ponuda u postupku dodjele ugovora o nabavci usluga iz Aneksa II Zakona o javnim nabavkama za nabavku poštanskih usluga za područje Bihaća i Sarajeva, broj 15-03-16-5-46-47/25 od 29.12.2026. godine, (u daljem tekstu: Poziv) Komisija je ocijenila da je ponuđač kvalifikovan, a njegova ponuda prihvatljiva i pravilna.



Poštanske usluge su oslobođene plaćanja PDV-a u skladu sa Zakonom o porezu na dodatu vrijednost („Službeni glasnik BiH“, br. 9/05, 35/05, 100/08, 33/17, 46/23, 80/23 i 20/25), te se ugovor sa izabranim ponuđačem zaključuje na procijenjenu vrijednost javne nabavke, na period od dvije (2) godine od 7.3.2026. godine.

Cijeneći da je ponuđač kvalifikovan, koji je dostavio prihvatljivu i pravilnu ponudu, kao i da na osnovu člana 6. stav (2) i člana 24. stav (1) Zakona o poštama (“Službeni glasnik BiH”, br. 33/05) rezervisane poštanske usluge mogu obavljati samo javni poštanski operateri, utvrđeno je da je za obavljanje poštanskih usluga u Bihaću i Sarajevu najpovoljniji ponuđač „JP BH Pošta“ d.o.o. Sarajevo, sa ukupnom cijenom ponude od 23.759,50 KM bez PDV-a.

Na osnovu navedenog odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom, u rokovima propisanim Zakonom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

digitalno potpisano / digitalno potpisano / digitally signed
Signed by: Almir Badnjević